

صورة وتعليق من ذكريات فض رابعة ترويحاً سارة ابنة الشهيد محمد علي



السبت 14 سبتمبر 2013 12:09 م

نافذة مصر

بابا زي النهاردة من شهر ، قام من النوم لوحده شاف الخبر ، نوى صيام ، دخل أخذ دش حلق دقنه ، جهز هدمه ، لبس طقم بيحبه ، حاولنا نقنعه يفضل معنا كان ولا كأنه سامعنا ، عدى عليا تحت البيت لقاني مش جاهزة قاللي أنا مستعجل إبقى تعالي براحتك وصل حوالين رابعة وبيدور على ركنة للعربية مش لاقى فلقى نفسه هيتأخر زيادة راح نازل من العربية وسايها مكانها دخل رابعة

صمم يكون في الصفوف الأولى ، جه وقت الصلاة الكل صلى جمع وقصر إلا هو صمم يصلي صلاته كاملة اللي حواليه إتحايلوا عليه يفطر قالهم لأ ، قالولوا طب نريح قالهم ريحوا إنتم ، دخل في وسط الضرب ، وفي عز الرصاص كان بيكلمني كل دقيقتين وأنا مش فاهمة في إيه ، أنا وصلت شغلي وبخير وبعيدة عن القلق وهو عارف ورغم كدة كل شوية يكلمني يحكي لي عن اللي بيحصل حواليه وأنا أقوله إقفل وخد بالك من نفسك فيكمل كلامه ولا كإني قلت حاجة ، لحد ماجاتله الرصاصة وأنا معاه ع التليفون سمعت هرج حواليه وإنقطع صوته عني فقلت أكيد مشكلة شبكة علشان بعد دقائق أتصل بيه ألاقى اللي بيرد عليا يقوللي أنا كفنته بإيدي تعالي إستلميه

الصورة للشهيد قبل الفض وبعده

